

Ataatsimiinnerup ammarneqarnera

(Inatsisartunut sivisunerpaamik ilaasortaasimasut angajullersaat)

Inatsisartut 2010-mi ukiakkut ataatsimiinnerat maanna ammarneqarpoq.

Nuannaarutigeqaara nuannersumik aasarsioreerluta nukissanillu nutaanik katersereerluta Inatsisartunut ilaasortaqaatika Inatsisartut ukiuata aallartinneranut matumunnga ullumi maanga ataatsimiittarfitsinnut tikilluaqqusinnaagakkit. Ataatsimiinnermi oqaluuserisassat pingaarutillit oqaluuserisussaavagut, neriutigaaralu suleqatigiilluarnitsigut angusaqarfiulluurtumik oqaluuseriumaarivut.

Naalackersuisut inatsisiliortullu suleqatigiilluarnissaannik kissaateqarlunga taamatuttaa Naalackersuisunut ilaasortat qamannga pisumik tikilluaquakka.

Taamatuttaa nuannaarutigaara Inatsisartut Ombudsmandiat kiisalu Naalagaaffiup Sinniisaa tikilluaqqusinnaagakkit.

Taamatullu aamma tusagassiortut ataatsimiinnermik malinnaasut tikilluaquakka.

Sineriatsinni isorartoqisumi nunaqqativut tamaasa radiukkut inatsisartullu nittartagaatigut Inatsisartut ataatsimiinnerannik malinnaasut pinngitsoorusunngilanga aamma tikilluaqqussallugit.

Ilisimatitsissutigissavara Inatsisartunut Naalackersuisunullu ilaasortat tamarluinnangajammik ataatsimiinnerup ammarneqarnerani najuummata.

Inatsisartunut ilaasortaq Storm Ludvigsen, Inuit Ataqaatigiit, septembarip ulluisa 17-ianniit 2010-p naanissaata tungaanut sulinnigiffeqarnissaminut akuerineqarpoq, taamaattumillu sinniisusnaanik aggersaanisaaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Inuit Ataqaatigiit sinniisusfaatitaata Kaali Olsenip qinigaasinnaanera akuersissutigisimavaa.

Storm Ludvigsenimut sinniisussatut Kaali Olsenip ulloq 17. september 2010-miit Inatsisartut ataatsimiinneranni peqataanisaa Inatsisartut akuersissutigissagaat matumuuna inassutigaa.

Akerliusoqarnerluni.....

Kaali Olsen tikilluarit, Inatsisartuni inissannut ingissinnaavutit.

Inatsisartunut ilaasortaq Olga P. Berthelsen, Inuit Ataqatigiit, septembarip ulluisa 17-ianniit oktobarip ulluisa arfineq pingajuata 2010-p tungaanut FN-ip 65-issaanik ataatsimeersuarnerani peqataassaaq, taamaattumillu sinniisussaanik aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Inuit Ataqatigiit sinniisussaataata Peter Lyberthip qinigaasinnaanera akuersissutigisimavaa.

Olga P. Berthelsenimut sinniisussatut Peter Lyberthip ulloq 17. september 2010-miit Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni.....

Peter Lyberth tikilluarit, Inatsisartuni inissannut ingissinnaavutit.

Inatsisartunut ilaasortaq Jakob Skade, Kattusseqatigiit Partiiat, ataatsimiinnermi matumani sulinnigiffeqarnissaminik akuerineqarpoq, taamaattumillu sinniisussaanik aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Kattusseqatigiit sinniisussaataata Jens Jørgen Brobergip qinigaasinnaanera akuersissutigisimavaa.

Jakob Skademut sinniisussatut Jens Jørgen Brobergip ulloq 17. september 2010-miit Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni.....

Jens Jørgen Broberg ajoraluartumik suli tikinngilaq.

Inatsisartunut ilaasortaq Anders Olsen, Siumut, septembarip ulluisa 17-ianniit oktobarip aallaqqaataata tungaanut sulinnigiffeqarnissaminut akuerineqarpoq, taamaattumillu sinniisussaanik aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Inuit Ataqatigiit sinniisussaataata Ivalo Thorinip qinigaasinnaanera akuersissutigisimavaa.

Anders Olsenimut sinniisussatut Ivalo Thorinip ulloq 17. september 2010-miit Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni.....

Ivalo Thorin ajoraluartumik sulit tikinngilaq.

Pisarneq malillugu Inatsisartut sinnerlugit Ataqinartorsuaq Dronning Margrethe ilaqutaalu, danskit Folketingiat, Savalimmiuni Lagtingi, Islandimi Altingi Nunavummilu inatsisartut Inatsisartut ukiuanni nutaami pitsaasumik suleqatigiittuarnissamik kissaateqarlunga inuulluaqqussuteqarfigaakka.

Taamatut oqaaseqarlunga najuuttut tikilluaqqoqqippakka. Neriuppunga ataatsimiinnivut pitsaasumik inerititaqarfiusumillu ingerlakkumaarivut, ataatsimiinnermilu anguniakkavut angujumaarivut.